

Legacy Health, Legacy Health Foundation, & PacificSource

[Būrokraam in Etale Doulu in Kōlaajrak Jipaṇ in Taktō Form A](#) (CCO Form A) ej etale pepe in bejne ko remaroṇ waḷok im rekkar doulu in kōlaajrak jipaṇ in taktō kōn Mediṁaid ṇan jejjetin rej lōṇtak jipaṇ an ro uwaan Oregon Health Plan im aolep armej ilo Orejon, im lōṇtak jibadbad eo an Oregon kōn jibadbad bwe en wōr juon wōt ilo ājmour, kōdikḷok wōnāan lale taktō, kaḷapḷok maroṇ ṇan bōk kōjparok, im eḷap joṇan eṁṁan kōjparok. Ilo Oktoba 21, 2024 the Oregon Health Authority (OHA) eaar bōk juon [kōjjeḷā kōn Form A](#) ej kōmelele bebe ko an Legacy ṇan leḷok maroṇ ep anoner in ilo PacificSource ṇan Legacy Health Foundation.

Wōn ro rekoba?

Legacy Health System (Legacy) ej juon doulu ejab bejne ak ej jipaṇ kōn ājmour im ej oner im kōṁadṁōde jilijino aujpitōḷ iloḷikin ko ipeḷaakier Portland im Vancouver, im mid-Willamette valley. Rej bar oner im kōṁadṁōde 70 jikin taktō jidik ko ri naṇinmej rej diwōj im ekoba jikin ko armej rej etal ippān taktō ko aer, jikin kōṁadṁōd idiṇ naṇinmej ak jorrāan im jikin taktō ko rej lale jejjetin naṇinmej ko ilo ejjā jikin kein. An Legacy 50% in PacificSource.

Legacy Health Foundation (Foundation) ilo ien in ej jipaṇ kōttōpar eo an Legacy Health ilo an kōḷḷā wōnāan būrokraam im jerbal in jipaṇ ko doulu ko ilo jukjukinpād im rejab bōk jipaṇ jān kōḷḷā ko ekkā.

PacificSource ej juon doulu ejab bejne im ej leḷok injuran in taktō ṇan elōṇḷok jān 600,000 armej ilo Oregon im rej injuran ippān Medicare Advantage, Medicaid, im injuren ko an bejne. PacificSource ej kōṁadṁōde emen doulu in kōlaajrak jipaṇ in taktō ilo Columbia Gorge, Central Oregon, Marion-Polk, im Lane im ej jipaṇ jikin ko ipeḷaakin Portland āinwōt an wōr an juon bebe in jerbal ippān Health Share of Oregon.

Meḷeḷe kōn bebe eo

Legacy ej bebe in jaṇiji Foundation ṇan juon doulu eo ej make ḷok im leḷok 50% eo an Legacy ilo PacificSource ṇan Foundation eo. Foundation eo ej bebe in wia kake ta ko an ilo PacificSource ilo iiō ko 5-10 rej beddo tok. Bebe in ej ḷōttan, bōtaab ejeṇoḷok jān, [Bebe eo an OHSU ṇan wiaiki Legacy](#).

Ta kiiō?

Būrokraam in Etale CCO Form A ej etale bebe in ṇan meḷeḷe ewi wāween enaaj jelōt ro uwaan Oregon Health Plan im aolep armej ilo Oregon. Ilo ien etale eo, OHA enaaj kōjjerbal meḷeḷe ko an ri ṇaninmej, ripoot ko jān jikin nuuj im kajeeded meḷeḷe, meḷeḷe jān koṁbani ko, im meḷeḷe jān armej ro iloḅwilej ṇan lale eḷaṇe bebe in aikuj tōprak. Āḷikin an dedeḷok iien etaale eo, OHA enaaj kōṁṁane juon kelet kōn aer maroṇ ṇan wanṁaanḷok kōn bḷlāan eo eṁōj karōke. Būrokraam ko rej bōk eddoin [kakien an state ko jet rej bar etale jerbal in](#).

Bar Lale Form A eo an Doulul in Kōlaajrak Jipañ in Taktō

Kōm kōṇaan roñ jān kwe!

Melele ko jān armej ej jibañ amim melele wāween an bebe in naaj jipañ ak jelōt armej ro ilo jukjukinpād eo am. Ñan kwaḷok ta eo aṃ lōmṇak kōn bebe in, jouj im email CCO.FormA@oha.oregon.gov, ñe ejab likūt enaan ilo , ñe ejab kanne peba ko armej rej leḷok aer kokobaba 503-945-5999. Likūt “PacificSource” ilo melele ko kwōj leḷok, ta aṃ lōmṇak, im elaññe eṃṃān ak ejab eṃṃan ippaṃ bebe eo.

Kwōmaroñ bōk peba in ilo bar jet kajin, jeje kilep, jeje eo an ri pilo ak ilo juon wāween eo kwōkōṇaan kōn ejjeḷok wōnāān. Kepaak kōm ilo email ilo hcmo.info@oha.oregon.gov ak ilo telepoon ilo 503-945-5999. Kōm ej ebōk kall ko an ro rejaroñroñ ak ri pilo.

Ñe ewōr jabdewōt aṃ kajjitōk kōn ripoot in ak kwōj aikuji melele ḷapḷok, jouj im kepaak hcmo.info@odhsos.oregon.gov.